



Nuuk, 14. april 2015

### **Inatsisartut suleriaasianni § 37 naapertorlugu innuttaasut peqqissutsikkut sullinneqarnerminnut akiliisinneqartarnerannut tunngasumik Naalackersuisunut imaattunik apeqquteqarpunga:**

(Inatsisartuni ilaasortaq Aaja Chemnitz Larsen, Inuit Ataqtigiiit)

#### **Apeqqutit**

- 1) Kalaaliulluni Danmarkimi najugaqartuulluni ilaqtat qanillugit erninissaq toqqaraanni taava nunatsinni sullinneqarnermut akiliinissaq ilumoorpa?
- 2) Kalaallit Nunaanneersut Danmarkimi najugaqartut nunatsinniinnerminni peqqinnissaqarfimmit sullinneqarnerminni sygeskringskortimik tungujortumik atuisinnaannginnerat inatsisitigut kukkunerunerpa?
- 3) Kalaalliulluni Danmarkimi najugaqartuulluni nakorsartinnermut akiliinnginnissaq anguniarlugu Kalaallit Nunaanni inunnt allattorsimaffimmut adressep nuuttariaqarnera pisariaqartuusoq ilumoorpa? Tamannalu akerlianuttaaq atuuppoq, tassa qallunaajulluni Danmarkimut adressimik nuutsisariaqarnermut.
- 4) Tamatumunnga Naalackersuisut qanoq isumaqarpat?

#### **Tunngavilersuut:**

Piffissami kingullermi ima pisoqartarsimavoq, kalaallit Danmarkimi najugaqartut, imaluunniit kalaallit nunatsinni najugaqartut arlaannik patsiseqarlutik ilaqtaminnulluunniit qanillillutik erninerusullutik Danmarkimii Kalaallit Nunaaliartariaqartarsimasut, killormulluunniit, taamaasiorminnilu peqqinnissatigut sullinneqarnerminnut namminneq akiliisariaqartarsimasut.

Nunat taakkua marluk naalagaaffeqatigiittuummata ilaqtariinnikkullu qanitariittorpassuummata taamatut qeratatisumik aaqqiisoqarsimanagera naapertuuttuunngilaq.

Pineqartutut assersuummi soorlu anaanaq kisermaaqq Danmarkimi meeqqanilu najugaqartut ilaqtaminnut qanilluni ernerusulluni nunatsinnukarsimavoq, imaluunniit anaanaq nunatsinni najugaqartoq meerassami angutaanut, Danmarkimilu ilinniagaqartumut, qanikkusulluni Danmarkiliarsimavoq. Pineqartumi siullermi ernineq 50.000 kr. inik naleqarsimavoq, amerlanerillu taamak amerlatigisunik aningaasaateqanngillat. Susasaqarfinni allani sullinneqarnermut akiliisoqarneq ajorpoq taamaattumillu uani immikkoortitsineq atuussinnaavoq. Kalaallit nunatsinniikkaluarpata imaluunniit Danmarkimiiittuugaluarpata pitsaanerpaanik atugassaqaarnissaannut ersarissunik malitassaqartariaqarpoq, tassami ukiorpassuit ingerlaneranni qanimut ilaqtariissititilersimavugut.

Ullut suliffiusut qulit iluanni apeqqutima akineqarnissaat qinnutigivara.